



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

PELANCARAN BAZAR RAMADAN RAHMAH DAN INISIATIF *MYSAVEFOOD* TAHUN 2024 PERINGKAT NEGERI PAHANG

KUANTAN, 27 MAC 2024 – Yang Berhormat Senator Puan Hajah Fuziah Binti Salleh, Timbalan Menteri Perdagangan Dalam Negeri dan Kos Sara Hidup telah mengadakan sesi *walkabout* di Bazar Ramadan RAHMAH Mahkota Square (Taman Kerang), Kuantan, Pahang sekali gus melancarkan Bazar Ramadan RAHMAH (BRR) Peringkat Negeri Pahang Tahun 2024.

Program BRR merupakan salah satu inisiatif Kementerian Perdagangan Dalam Negeri dan Kos Sara Hidup (KPDN) di bawah Program Payung RAHMAH MADANI untuk menggalakkan para peniaga BRR menawarkan Menu RAHMAH sebagai usaha mengurangkan beban kos sara hidup sepanjang bulan Ramadan ini. Konsep pelaksanaan BRR juga adalah untuk menggalakkan peniaga menyediakan makanan berteraskan format penyediaan Menu RAHMAH sebagai pilihan menu tambahan pada harga RM5 dan ke bawah.

Bagi penganjuran peringkat Negeri Pahang, sebanyak 4 lokasi tumpuan orang ramai telah dipilih sebagai BRR pada tahun ini iaitu BRR Dataran FAMA Chini, BRR Bandar Jerantut, BRR Mahkota Square dan BRR Bandar Jerantut. Bagi BRR Mahkota Square, sebanyak 20 gerai menyediakan Menu RAHMAH sebagai pilihan menu tambahan pada harga RM5 dan ke bawah.

BRR ini turut mengambil langkah proaktif dalam menggalakkan perniagaan yang berkonsepkan digital khususnya dalam sektor peruncitan melalui Inisiatif Pendigitalan Sektor Peruncitan (Retail Digitalisation Initiative - ReDI). Langkah ini bertujuan untuk meningkatkan pendedahan kepada peniaga dan pengguna melalui kemudahan *e-wallet* dalam mengurusniaga.

Bersempena bulan Ramadan juga, KPDN telah melaksanakan OPS PANTAU bermula 12 Mac 2024. OPS PANTAU 2024 telah dilaksanakan secara seragam di seluruh negara dengan lokasi tumpuan seperti Bazar Ramadan, Bazar Aidilfitri, pasar awam, pasar basah, pasar raya besar, pasar raya kedai runcit dan aktiviti penjualan secara dalam talian. Sehingga kini, Penguat kuasa KPDN Pahang telah menjalankan pemeriksaan ke atas 3,239 premis sejak 12 Mac 2024 sehingga 26 Mac 2024 di bawah OPS PANTAU 2024. Sebanyak 13 kes telah dihasilkan di bawah AKHAP 2011 dan ATS 1972 oleh KPDN Pahang sepanjang OPS PANTAU 2024 dilaksanakan.

Pada masa yang sama, YB Timbalan Menteri turut melancarkan Program *MySaveFood* 2024 Peringkat Negeri Pahang. Program *MySaveFood* Ramadan merupakan satu inisiatif pengurusan sisa makanan *Food Waste Management* di bazar Ramadan secara berstrategi melalui usaha menyelamatkan lebih makanan dan minuman (yang selamat dimakan/diminum) yang tidak berjaya dijual oleh peniaga bazar.

Program ini merupakan kerjasama strategik KPDN Pahang bersama Pertubuhan Pemuda GEMA Negeri Pahang dan dan Gerakan Pengguna Siswa (GPS) yang melibatkan seramai 30 orang sukarelawan meliputi 3 buah Institut Pengajian Tinggi (IPT) antaranya Widad University College, Cosmopoint College Kuantan dan DRB-HICOM University of Automotive Malaysia. Penglibatan golongan muda khususnya dikalangan para pelajar dalam menjayakan Projek *MySaveFood* ini mencerminkan tahap kesedaran yang tinggi usaha mengelakkan pembaziran makanan khususnya di Negeri Pahang.

Sebagai rekod pencapaian pelaksanaan Projek *MySaveFood* pada 14 hingga 25 Mac 2024, 129.3 kilogram makanan dan 104.0 kilogram minuman berjaya dikumpulkan dari Bazar Ramadan Taman Kerang. Makanan dan minuman yang tidak terjual oleh peniaga bazar Ramadan ini akan dikumpulkan oleh sukarelawan dan akan diagihkan kepada pelajar IPT, golongan gelandangan dan golongan yang memerlukan.

KPDN Negeri Pahang merakamkan setinggi penghargaan kepada semua pihak yang terlibat atas komitmen yang berterusan sepanjang menjayakan inisiatif-inisiatif di bawah kos sara hidup bagi membantu setiap golongan yang memerlukan dalam meringankan kos sara hidup.

**Kementerian Perdagangan Dalam Negeri
dan Kos Sara Hidup Negeri Pahang**

###